

Bineix Sam Nyied Mbouj Eu Fwen

今年三月不欢歌

□ Cinz Siengzcouh / 覃祥周

Bineix sam nyied mbouj eu fwen,
Cungqvunz baez dwen couh simcieg;
Dunghhangz feihgih doek roengz dieg,
Bak lai vunz biek mbouj raennaj.

Feihgih deng nanh caen sim'in,
Yaepyet doek din roengz ndoengfaex;
Cien heuh fanh heuh hix mbouj ndaej,
Beixnuengx sing daej haeuj bae yaem.

Mbouj raen goetndok mbouj raen ndang,
Danhnyienh diendangz mbouj miz haih;
Gwnzbiengz cungqvunz daej sing daih,
Seiqfueng betbaih raemxda lae.

Sam nyied rumz raeuj ci gwnzbiengz,
Hojsik sim liengz mbouj gyaex hauq(gangj);
Guekcoj ngoenzneix miz saeh laux(hung),
Lwgsau lwgmbauq mbouj doiq fwen.

Yienznaeuz mbouj siengj oksing ciengq,
Gou hix caenhiengh damz geij coenz;
Aeu fwen daeuj nai gij minghhoen,
Moqnaj byaij roen lai miz rengz.

Gou gangj lizsij Sam Nyied Sam,
Hawj gyoengq doengzban doengzcae z rox;
Bouxboux yaek niemh coq ndaw hoz,
Bouxlaux bouxcoz doengzcae z geiq.

Yaepda youh daengz Sam Nyied Sam,
Cien gya fanh ranz guh haeuxnaengj;
Daek hwnj gwnzdaiz dawz daeuj daengj,
Haeuxnaengj hajsae k gingq saenzsien.

Sam nyied cosam mbouj eu fwen,
Duzrwi ndawsuen hix geizheih;
Mbouj raen sau mbauq daeuj ciengq beij(fwen),
Gwnzbiengz dauqdaej miz saeh maz.

Sam nyied vadauz riux rumzcin,
Raen vunz naj nding mbouj gangjavah;
Sau mbauq mbouj guh fwen doxdax,

Mbanjgwnz mbanjlaj caemrwrwg.

Doenghbaez ngoenzneix ceiq nauhyied,
Gizgiz vunz ndwet(nauh) lumj dahhaij;
Ciengq go diuq foux bouxboux maij,
Fwen lumj raemxhaij bongh fubfab.

Haeuxnaengj gyaeqhoengz rap gvaq mbanj,
Beixnuengx doengz ganj haw guh fwen;
Sing fwen yiengjgok doh seiqfueng,
Youq laj faexvueng menh danzgimz.

Haeuxnaengj cix boiq go' gyaemqhoengz,
Gova fuzyungz boiq mauxdan,
Sau mbauq doxraen Sam Nyied Sam,
Bouxboux sim van lumj gwn dangz.

Sam nyied cosam bae ganj haw,
Duzrwi hix dawz va daeuj laeq(yawj);
Bak eu beij fwen cien z cingzeiq,
Coenzcoenz cungj beij dangzrwi diemz.

Go hix gvai le nuengx hix gvai,
Song boux hwnj daiz fwngz gaem fwngz;
Bineix sam nyied raeuz doxbungz,
Bimoq faex hung youh hai va.

Faex sang fanh ciengh mbouj liz rag,
Saegve gietmak mbouj liz gaeu;
Cietfwen Bouxcuengh dwg bauj raeuz,
Cungqvunz dingh ae u lai cienzswnj.

Guengjsae soqlaiz dwg fwenhaij,
Vunz miz dungxaiz gig coengmingz;
Beijfwen couh lumj raemxdah cin,
Bongh gvaq gwnz rin bae fanh leix.

Lajmbwn ceiq gya eu dwg Guengjsae,
Duzroeg maij raez(heuh) vunz maij ciengq;
Samcej caux fwen louz gwnzbiengz,
Cungqvunz doxriengz ciengq fanhdaih.

Gonq Sam Nyied Sam godaiz baij;

Vunz lai lumj haij sim angqyangz;
Angq ciengq Cungguek Gungcanjdangj,
Bang raeuz gyaq hwnj giuzvuenyungz.

Cien bya hai va fanh dieg rang,
Ciengq Gungcanjdangj aencingz hung;
Caux hawj bouxminz ndaej vuenyungz,
Haenq guh duet gungz bongh siujgangh.

Go daeuj buenx nuengx nuengx buenx go,
Guhlumj roq gyong buenx ndaek laz;
Ndweengoenz vuenyungz vunz siasaj,
Doengz gvaq siujgangh swnghhoz ndei.

Sam nyied ganj haw caez hwnjdin,
Buguz(roeg) hai sing yiengj seiq baih;
Riengz Gungcanjdangj doengzcae z byaij,
Cien bi fanh daih mbouj dauqlaeng.

Mbwn raeuj ndit angj ciuq gwnzbo,
Va hoengz gogo lengj youh rongh;
Gwn raemx ngeix goek mbouj lumz bonj,
Geiq maenh geiq onj aen dangj raeuz.

Gwnzbya vareux bibi hai,
Mbanjcuengh godaiz bibi yiengj;
Sam nyied cosam bibi ciengq,
Fwen rim gwnzbiengz cingz rim aek.

Sam nyied mbwn raeuj saedcaih ndei,
Sing fwen mbin bae buenx mbungqmbaj;
Sau mbauq eu fwen daeuj raennaj,
Baenq gwnz baenq laj mbouj dauqranz.

Bineix biguk Sam Nyied Sam,
Biengz miz cainanh mbouj angqyangz;
Hoeng raeuz baengh miz Gungcanjdangj,
Ndae j dingj cainanh mbouj lau maz.

Diuz Dahraemxhoengz lae fanh leix,
Bouxcuengh ciengq beij cien bi raez;
Bineix sam nyied sim mbouj hae(hai),
Bimoq menh naez(ciengq) guh nauhyied.

Gou riengz gofaexnganx hen z dah gwq byaij gwq byaij, cij youq ndaw-mieng mbouj yienhda roxnaeuz ndaw caznywj gip ndaej geij naed mak-nganx, mingzyienj moengj maknganx cungj deng bouxwnq gip bae lo, haemhlwenz haengjdingh miz haujlai maknganx deng fwnhung soen roengz-daeuj.

Gou gig ienqhaemz caeuq nyap-nyuk, haemz bonjfaenh ninz ndaek lai, hwnq nguh lai, cix engq haemz doenghgij vunz beij gou hwnq romh, gip maknganx doek gonq bae.

Gou doq byaij doq daen, geij naed maknganx gip ndaej youq ndawbied ringx bae ringx dauq, caen doeknaiq!

Sawqmwh, baihnaj cien z daeuj geij sing bouxvunz gangj vah, gou ngaem gya eu j gungj hwet, bongh coh baihnaj, yenzlaiz dwg Ah Giuh caeuq Ah Cang, songde dangjinaj byaij gvaqdaeu j.

"Hai!" Gou swenj sing ndeu, songde beij gou nuengx saek bi song

•Sawcuenhraz Lwgnye z•

Gij Golwgnye z Henz Dahhoengz

红水谣

□ Lanz Haijyangz Moz Beibei / 蓝海洋 莫蓓蓓

bi, cungj deng gou haep lo.

"Ai, Ah Byauh, mwngz yaek hawj dou daihaep?" Ah Cang hemq.

"Yenzlaiz dwg sou ciengj mak-nganx gou lo, gou laihnaeuz dwg byawz dem!" Gou byaij gvaqbae cazyawj aen bied songde, cungj gip ndaej yaek miz byongh aenbied yienghneix. Gou gig geizheih, song ndaek vunz fangz neix, baenzlawz hix cij gip ndaej di neix ndwi?

"Mbouj dwg dou ne!" Ah Giuh sup gaemz mug ndeu, bibi aen bied de, gig utheiq naeuz, "dou hix hwnq nguh lo!"

"Ha, gou laihnaeuz deng sou gip bae caez lo." Gou nyiuz songde le, gij vah hix gangj ndaej unqswnh lo.

"Ah Veij gyoengqde ceiq caeux, gip ndaej haujlai!" Ah Giuh youh bouj gangj coenz ndeu, de hix hozndat boux daeuj gip gonq.

"Mwngz yawjraen lo? Caen dwg Ah Veij!" Gou haeb heuj haeb faenz, Ah Veij ndaek vunz neix mboengqneix ciengzseiz caeuq gou doxdingj, haet-neix youh hwnq ndaej beij gou lij romh, gip gij maknganx laj gofaex-nganx liux bae, gizgiz cungj beij gou ak, danghnaeuz mbouj ra gihvei

hawj de cimz saekdi haemzhoj, doeklaeng gou youq gyoengq lwgnye z ndawmbanj couh mbouj miz maz diegvih lo.

"De hwnq ndaej romh, gip ndaej lai, hoeng hix boihseiz lo!" Ah Cang nyengqgyaeuj, mbouj haeujsim gangj.

"Miz maz boihseiz? Gip rim bied maknganx he baema, daxmeh de baenzneix sim' angq—— 'Lwg ndei-gya ez lai, caen dwg noh simdaeuz daxmeh ha'. Bei!" Gou gig gaeh, byawz beij gou ak, gou couh mbouj cwxcaih.

(caengz sat)